



Ислом Нури

Мухтарам биродар, яхши хулк Аллох ва расули суядиган улуг хислатлардан биридир. Пайгамбар саллоллоху алайхи ва саллам шундай дейдилар: «Аллох таоло юксак ахлокларни яхши кўради, тубан, разил феълларни эса ёктирмайди».

Яхши хулк деганда нимани тушунамиз? Яхши хулк – Абдуллох ибн Муборак айтганларидек – очик чехра билан муомала килиш, кўлдан келган яхшиликни килиш, озор беришдан ўзни тийиш демакдир.

Азиз биродар, биз шу кунларда маънавий кашшоклик балосига мубтало бўлганмиз. Одоб-ахлоқ масаласига кўпчилик енгил-елпи, бепарво карашади, баъзилар эса буни бош котиришга арзимайдиган масала деб биладилар.

Исломда одоб-ахлоқ масаласи гоятда юкори ўрин эгаллайди. Буни пайгамбар саллоллоху алайхи ва салламнинг «Мен юксак инсоний фазилатларни мукамал килиш учунгина юборилганман» – деган сўзларидан билиб олса бўлади. Гўё у зот пайгамбарликдан кўзланган максадни факат шу масалага чекладилар.

Фикримизнинг яна бир далили шуки, пайгамбар саллоллоху алайхи ва салламга эзгулик хакида савол берилганда: «Эзгулик – яхши хулк эгаси бўлишдир» – деганлар.

Яхши хулк жуда кўп фазилатларни жамлаган бўлиб, куйида шулардан баъзиларини айтиб ўтаман:

· Амаллар ичида энг кўп жаннатга киритувчи хислат – яхши хулкдир. Расулуллох саллоллоху алайхи ва салламдан «Кайси амал кишиларни жаннатга кўп сазовор килади?» деб сўрадилар. Шунда у зот : «Такво



Ислом Нури

ва яхши хулк» деб жавоб килдилар.

- Яхши хулк – киёмат куни барча амаллар тарозуга кўйилган пайтда «тош босадиган», тарозини огир киладиган энг улуг хислатдир. Пайгамбар саллоллоху алайхи ва саллам шундай дейдилар: «Киёмат куни мўминнинг амаллари тортилаётган тарозида яхши хулкдан кўра огиррок бўлган бирон хислат йўқдир. Аллох таоло фахш сўзларни сўзловчи, тилига эрк берган беодоб кимсаларни ниҳоятда ёмон кўради».
- Бу хислатни ўзида мужассам этган кишига жаннатнинг энг юкори, тўридан бир уй берилишига пайгамбар саллоллоху алайхи ва саллам кафил бўлганлар. Абу Умома розияллоху анху у зотнинг шу сўзларни айтганларини хикоя килади: «Ким яхши хулк эгаси бўлса, унга жаннатнинг тўридан бир уй берилади. Бунга мен кафолат бераман».
- Яхши хулк эгасининг мартабаси кундузлари рўза тутиб, кечаларини тоат-ибодатда ўтказган соҳиднинг мартабаси билан тенгдир. Оиша онамиз шундай дейдилар: «Расулуллох саллоллоху алайхи ва салламнинг мўмин одам ўзининг яхши хулки билан кундузлари рўза тутиб, кечалари намоз ўкиб ибодат килиб чиккан киши даражасига етади»- деб айтаётганларини эшитганман.
- Чиройли, яхши хулк эгалари киёмат куни расулуллох саллоллоху алайхи ва салламга энг якин жойда бўладилар. Расулуллох саллоллоху алайхи ва саллам шундай дейдилар: «Ораларингизда мен энг яхши кўрган, киёмат куни менга жуда якин жойдан ўрин оладиган кишилар – яхши хулк эгаларидир. (Аксинча) мен ниҳоятда нафратланадиган, киёматда жуда узокда бўладиган кишилар – огзидан боди кириб, шоди чикувчи, такиллаган, мактанчок кимсалардир».



Ислом Нури

· Яхши хулк билан умматнинг энг етук, саховатпеша улуг кишилари одобланадилар. Расулуллох саллоллоху алайхи ва саллам: «Сизларнинг энг яхшиларингиз – чиройли хулк эгаларидир» – деган сўзни кўп айтардилар.

Мухтарам биродар! Бирон бир мусулмон одоб-ахлоқ масаласининг исломда бу қадар юксак ўрин эгаллаганини кўргандан сўнг, унга бепарво қарармикан? Йўқ, асло! Модомики у, пайгамбар саллоллоху алайхи ва саллам билан бирга бўлишни чин дилдан истар экан, расулуллох саллоллоху алайхи ва салламда мавжуд бўлган юксак ахлоқлар билан одобланишга интилар экан, бу масалага бепарво қараши сира ҳам мумкин эмас.

Анас розияллоху анху шундай дейдилар: «Расулуллох саллоллоху алайхи ва саллам одамлар ичида энг юксак ахлоқли киши эдилар». Абдуллох ибн Амр «Расулуллох саллоллоху алайхи ва саллам ҳеч қачон ёмон сўзлар сўзламаган, ёмон қилиқ, ёмон феъл қилмаган зот эдилар» – дейдилар.

Яхши хулк эгаси бўлиш бировга эмас, ўзингизга фойда. Машойихлар эҳканингни ўрасан деб бежиз айтишмаган.

Келинг, яхши хулк ўз ичига олган кўп одоблардан бири бўлмиш – раҳмдилликни мисол қилиб олайлик. Раҳмдил бўлсангиз, раҳмли зот Аллох раҳматига сазовор бўласиз. Пайгамбар саллоллоху алайхи ва саллам «Ердагиларга раҳм қилинг, сизга осмондаги зот раҳм қилур!» – дейдилар. Бошқа бир ҳадисда «Аллох бандалари орасида раҳмдил кишиларгагина раҳм қилади» – деганлар.

Аксинча, бераҳм, тошбағр кишиларга Аллохнинг ҳам раҳми келмайди.



Ислом Нури

Расулуллох саллоллоху алайхи ва саллам шундай дейдилар: «Кимки одамларга раҳм этмас экан, Аллох ҳам унга раҳм қилмайди».

Аллохнинг раҳматига сизда андак бўлсада интилиш бўлса, ўзингизга ҳам, бошқаларга ҳам раҳмдил бўлинг, яхшилигингизни дариг тутманг! Жохилга илмингиз, хору-зор бўлганга мансабингиз, камбагалга молингиз билан раҳм этинг. Каттаю кичикдан меҳр-шафқатингизни аяманг, гунохкор, осий бандалар ҳақида доим дуода бўлинг. Хайвонлар ҳам сизнинг меҳрибонлигингиз, раҳмдиллигингиздан бебаҳра қолмасин! Билингки, Аллохнинг раҳматига энг яқин киши – энг меҳрибон, энг раҳмдил кишидир.

Яна олий ҳислатлардан бири – мусулмонларга ҳолис хизмат қилиб, уларга ёрдам бериш ҳислатини олайлик. Расулуллох саллоллоху алайхи ва саллам шундай дейдилар: «Кимки ўз биродарининг ҳожатини чиқариш йўлида бўлса, Аллох унинг ҳожатини чиқаради. Кимки дунёда мусулмон биродарининг айбини ёпса, қиёмат куни Аллох унинг айбини ёпади». Яна бир ҳадисда «Кимки бир мўмин бошидан дунё қийинчиликларидан, мусибатларидан бирини аритса, Аллох унинг бошидан қиёмат куни бўладиган қийинчиликлардан бирини аритади. Кимки бир қийналган одамнинг мушқулини осон қилса, Аллох дунёю охиратда унинг мушқулини осон қилади. Ким бир мусулмоннинг айбини бекитса, Аллох дунё ва охиратда унинг айбини бекитади. Банда, модомики ўз биродари хизматида экан Аллох унинг қўмақчиси бўлади» – дедилар.

Мухтарам биродар! Киши айрим хожилар, зиёратга келган кишиларнинг аҳолига назар ташлар экан, жуда аянчли ҳолатнинг гувоҳи бўлади: Ростгўйлик ўрнига ёлгонни, раҳмдиллик, мулоимлик ўрнига кўрслик, кўполликни, вафо, омонат ўрнига хиёнатни кўради.



Ислом Нури

Очик юзлик, кечиримлилик ўрнини кахру газаб, беозорлик ўрнини дилозорлик, саховат ўрнини бахиллик эгаллаган. Одамлар бир-бирларига кани, мархамат, дейиш ўрнига, жой, ичимлик ёки таом хусусида талашиб, тортишадилар, камтаринлик ўрнини кибр, адолат ва инсоф ўрнини эса ноинсофлик ва зулм ишгол этгандир!

Шунда ўз-ўзидан савол тугилади: булар чиндан ҳам мусулмонми? Ундок бўлса... кани иффат? Кани омонат? Хаё кани?! Бечораларга раҳм килиш, камбагалнинг бошини силаш каёқда колди?! Мусулмонлар ўртасидаги ўзаро мухаббат, меҳр-шафкат каёқка йўколди?!

Азиз биродар, сиз ҳам, шубҳасиз, ушбу кабих феълларнинг гувоҳи бўласиз: Ибодат килаётганингизда туртиб-суртиб ўтаётганларни, тавоф ва саёйда азият бераётганларни, сигарет хиди бошкаларга етмасин деб хижолат чекмай бадбўй хидларни «таратиб», сизни кийнаётган кишиларни кўрасиз. Эҳтимол, баъзилар сизни ёмон сўзлар билан бўралаб сўкиб колар. Хуллас, бу муборак жойларни улуглаш ўрнига, хурматини оёк ости киладиган, бу ерларни чикиндилар, ахлатлар каби моддий ифлосликлардан, гуноҳлар, бидъатлар, фиску фасод, одамларга озор бериш каби маънавий чиркинликлардан тозалашга эътибор бермайдиган одамларни кўплаб учратасиз. Ажаб, уларга нисбатан кандай муомалада бўлсак экан? Дархол улардан ўч олиб, бирни икки килиб кайтарсакмикан? Агар шундай килсак, улардан фаркимиз колмайди, покиза ерларда, муборак пайтларда ахлоксизликни ёйишда уларга ўз улшимизни кўшган бўламиз.

Аслида, буларга нисбатан бизнинг муомаламиз, Аллох буюргандек, кечиримлилик, ёмонликка яхшилик билан жавоб бериш бўлмоги лозим. Аллох таоло шундай дейди:



Ислом Нури

Шу ўринда расулуллох саллоллоху алайхи ва салламдаги етук инсоний фазилатларга бир назар ташласак, ёмон бўлмасди. У зот энг азиз, энг мукаррам, энг улуг инсон бўлсаларда, бирон марта хам ўзлари учун бировдан касд олмаганлар. Оиша онамиз шундай дейдилар: «расулуллох саллоллоху алайхи ва саллам ўзлари учун хеч қачон бировлардан касд (ўч) олмасдилар. Лекин, Аллохга беҳурматлик килинганда – буйруклари бажарилмасдан, кайтарикларидан кайтилмай, харом ишларга кадам кўйилганда, Аллох учун каттик газабланиб, гунохкорнинг жазосини берардилар». Анас ибн Молик хикоя киладилар: «Расулуллох саллоллоху алайхи ва саллам билан йўлда кетаётиб эдим, у кишининг эгниларида кўпол жиякли нажроний тўн бор эди. Орқаларидан бир аъробий етиб келдида, тўнларидан шундай каттик тортдики, бунинг зарбидан тўннинг жияги пайгамбарнинг муборак бўйинларига ботиб кетиб, из колдирганини кўрдим. Сўнгра у одам бу хам етмагандек, «Эй Мухаммад, хузурингдаги Аллохнинг молидан менга хам ажрат!» – деди. Пайгамбар саллоллоху алайхи ва саллам унга бурилиб караб, кулдиларда, байтулмолдан унга мол ажратишга буйруқ бердилар».

Шундай экан, нега биз бир мусулмондан озгина озор етиши билан газабланамиз? Нима учун бир биродаримизда учраган кичкина хато туфайли кизариб-бўзарамиз? Гўё душманга қарши жангда тургандек олишамиз?! Аллох таолонинг «Мўминлар хеч шубҳасиз ога-инилардир» (Хужурот:10) деган сўзи эсимсиздан чикдими?! Расулуллох саллоллоху алайхи ва салламнинг «мусулмонлар ўзаро мухаббат, раҳмдиллик ва ҳамдардликда худди бир танага ўхшайдилар: бир аъзо касалга чалинадиган бўлса, тананинг бошка аъзолари хам шу аъзога уйқусизлик ва иситма билан жавоб беради» деган сўзлари қайда колди?! Ушбу покиза жойларда, муборак вақтларда ўзни тийиб, яхши хулқлар билан одобланмас эканмиз, қачон одобга қирамиз,

